

# EMBASSY OF THE UNITED STATES OF AMERICA

## PUBLIC AFFAIRS SECTION

TEL: 880-2-883-7150-4

FAX: 880-2-9881677, 9885688

E-MAIL: [DhakaPA@state.gov](mailto:DhakaPA@state.gov)

WEBSITE: <http://dhaka.usembassy.gov>



## সংবাদ বিজ্ঞপ্তি

### যুক্তরাষ্ট্র সরকার অর্থায়িত ঘূর্ণিঝড় আশ্রয়কেন্দ্র নির্মাণ প্রকল্পের কাজ কর্মবাজারে শুরু

ঢাকা, ২০শে জানুয়ারি -- যুক্তরাষ্ট্র সরকার ২০-২১শে জানুয়ারি কর্মবাজার জেলায় সাতটি বহুমুখী ঘূর্ণিঝড় আশ্রয়কেন্দ্র নির্মাণ কাজ শুরু করবে। জায়গাগুলো হচ্ছে শাহপুরীর দ্বীপ পশ্চিম উত্তর পাড়া, শাহপুরীর দ্বীপ দক্ষিণ পাড়া, হামিদিয়া, হবি মোহাম্মদ হুসেইন, কুতুপালং, গুলিয়াপালং ও হালাদিয়া পাতাবাড়ি। যুক্তরাষ্ট্র সরকারের অর্থায়নে যুক্তরাষ্ট্র প্রশান্ত মহাসাগরীয় কমান্ডের মাধ্যমে এই সাতটি বহুমুখী ঘূর্ণিঝড় আশ্রয়কেন্দ্র জরুরি প্রয়োজনের সময় ছাড়া প্রাত্যহিক বিদ্যালয় হিসেবে ব্যবহৃত হবে। বিদ্যালয় হিসেবে ব্যবহারের ক্ষেত্রে প্রতিটি আশ্রয়কেন্দ্র ১২০জন ছাত্র-ছাত্রী ধারণের উপযোগী হবে। প্রাকৃতিক দুর্ব্যোগের সময় প্রতিটি কেন্দ্র ১,২০০ মানুষকে আশ্রয় দিতে সক্ষম হবে। আশ্রয়কেন্দ্রগুলোতে শৌচাগার ও জলাধার সুবিধাও থাকবে।

এসব মানবিক সহায়তা প্রকল্প ২০০৯ সালে যুক্তরাষ্ট্র ও বাংলাদেশ সরকারের মধ্যে স্বাক্ষরিত ২১ লাখ ডলার ব্যয়ে বহুমুখী ঘূর্ণিঝড় আশ্রয়কেন্দ্র এবং সেতু নির্মাণের জন্য করা চুক্তির আওতাধীন। এই সাতটি আশ্রয়কেন্দ্রের পাশাপাশি, খুলনা ও বরিশালে ঘূর্ণিঝড় সিডর আক্রান্ত এলাকাগুলোতে আরো ২৩টি বহুমুখী ঘূর্ণিঝড় আশ্রয়কেন্দ্র ও চারটি সেতু বর্তমানে নির্মাণাধীন রয়েছে।

বাংলাদেশ সরকার ও এর জনগণকে সহায়তার জন্য যুক্তরাষ্ট্র সরকার অঙ্গীকারাবদ্ধ। বাংলাদেশের স্বাধীনতার পর থেকে উন্নয়ন সহায়তা হিসেবে যুক্তরাষ্ট্র সরকার দেশটিকে এ পর্যন্ত পাঁচ শ' পঞ্চাশ কোটি ডলারেরও বেশি প্রদান করেছে। ঘূর্ণিঝড় সিডের পর পরই যুক্তরাষ্ট্র সরকার ইউএসএআইডি'র মাধ্যমে তিন কোটি বার লাখ ডলার জরুরি খাদ্য সহায়তা হিসেবে এবং ৬৫ লাখ ডলার খাদ্য-বহির্ভূত জরুরি ত্রাণ কর্মসূচির জন্য বাংলাদেশকে প্রদান করে। এছাড়া জরুরি ত্রাণ, পুনর্বাসন এবং দরিদ্র ও ঝুঁকিপূর্ণ ঘূর্ণিঝড় সিডের আক্রান্ত এলাকাসমূহে (গ্রাম ও চরসহ) টেকসই উন্নয়নের জন্য যুক্তরাষ্ট্র আরো আট কোটি ডলার ঘূর্ণিঝড় সহায়তা হিসেবে প্রদান করছে। এই অব্যাহত সহায়তা বাংলাদেশের সবচেয়ে ঝুঁকিপূর্ণ নাগরিকদের উজ্জ্বলতর ভবিষ্যৎ নির্মাণে সাহায্য করতে যুক্তরাষ্ট্রের অঙ্গীকারের প্রতিফলন।

=====

জিআর/ ২০১০

**দ্রষ্টব্য:** এই সংবাদ বিজ্ঞপ্তির ইংরেজি ভাষ্য ‘আমেরিকান সেন্টার’-এ পাওয়া যাবে। যদি আপনি ইংরেজি ভাষ্যটি পেতে আগ্রহী হন, তবে ‘আমেরিকান সেন্টার’-এর প্রেস সেকশনে (টেলিফোন: ৮৮-৩৭১৫০-৪, ফ্যাক্স: ৯৮৮-৫৬৮৮; ই-মেইল: [DhakaPA@state.gov](mailto:DhakaPA@state.gov) এবং ওয়েবসাইট: [dhaka.usembassy.gov](http://dhaka.usembassy.gov) যোগাযোগ করুন।